

女科證治準繩

四之二

心腹脹滿

小腹痛

心腹痛

胎漏黃汁下或如豆汁

胎上逼心

惡阻

腰腹及背痛

腹痛

妊娠經來

胎動不安

心痛

漏胎下血

內閣文庫	
番號	漢 13011
冊數	65 (38)
函號	301 63

內閣文庫			
三〇	三〇	漢	
函	冊	奇	
架	冊	號	類




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





醫學館寄宿
寮書籍



惡阻 痰逆不食

惡阻謂嘔吐惡心頭眩惡食擇食是也 千金凡婦
人虛羸血氣不足腎氣又弱或當風飲冷太過心下
有痰水者欲有胎而喜病阻所謂欲有胎者其人月
水尚來顏色肌膚如常但苦沉重憤悶不欲食飲又
不知其患所在胤理順時平和則是欲有娠也如此
經二月日後便覺不通則結胎也阻病者患心中憤
憤頭重眼眩四肢沉重懈惰不欲執作惡聞食氣欲
酸鹹酸果實多卧少起世謂惡食其至三四月日已
上皆大劇吐逆不能自勝舉也此由經血既閉水漬

八口前惡阻

女科四

於藏氣不宣通故心煩憤悶氣逆而嘔吐也血脉不通經絡不澁則四肢沉重挾風則頭目眩也覺如此候者便宜服半夏茯苓湯數劑後將茯苓丸痰水消除便欲食也既得食力體強氣壯力足養胎母便健矣 大全妊娠稟受怯弱便有阻病其狀顏色如故脉息和順但覺肢體沉重頭目昏眩擇食惡聞食氣好食鹹酸甚者或作寒熱心中憤悶嘔吐痰水恍惚不能支持巢氏謂之惡阻但證有輕重耳輕者不服藥亦不妨重者須以藥療之千金方以半夏茯苓湯茯苓丸專治阻病然此一藥比來少有服者以半

夏有動胎之性蓋胎初結慮其易散此不可不謹也張仲景傷寒論有用黃龍湯者小柴胡湯中去半夏是也此蓋為妊娠而設焉王子亨則有白朮散局方則人參丁香散楊振則有人參橘皮湯齊士明則有醒脾飲皆不用半夏用之多効 李茂翁云若左脉弱而嘔服諸藥不止者當服理血歸原藥則愈經云無陰則嘔是也 薛前證若中脘停痰用二陳湯加枳殼若飲食停滯用六君子加枳殼若脾胃虛弱用異功散若胃氣不足用人參橘皮湯兼氣惱加枳殼胸脇痞悶再加蘇梗脇痛再加柴胡若飲食少思用

六君子加紫蘇枳殼頭暈體倦用六君子湯若脾胃
虛弱嘔吐不食用半夏茯苓湯蓋半夏乃健脾胃氣化
痰滯之主藥也脾胃虛弱而嘔吐或痰涎壅滯飲食
少思胎不安必用茯苓半夏湯倍加白朮然半夏白
朮茯苓陳皮砂仁善能安胎氣健脾胃予嘗用之驗
矣痰逆不食證因食停滯用半夏茯苓湯加枳殼
兼氣惱更加柴胡因痰壅滯用半夏茯苓湯加白朮
因風寒外傷用參蘇飲飲食腹脹用香砂六君子湯
寒熱嘔吐人參養胃湯一妊娠嘔吐惡食體倦嗜
臥此胃氣虛而惡阻也用人參橘皮湯一劑漸愈又

用六君加紫蘇一劑而安一妊娠吞酸惡心時欲
作嘔此因脾胃虛而飲食停滯用六君加枳殼香附
治之而愈一妊娠停食腹滿嘔吐吞酸作瀉不食
余以為飲食停滯兼肝木傷脾土用六君子湯以健
脾胃加蒼朮厚朴以消飲食吳茱萸所製黃連以清
肝火諸證悉愈又以六君加砂仁調理而脾土乃安
一妊婦嘔吐脇脹或寒熱往來面色青黃此木旺
而尅脾土用六君子加柴胡桔梗枳殼而安一妊
婦嘔吐酸水胸滿不食此脾土虛而肝木所侮用六
君子加芍藥而愈一妊婦胸腹膨脹吐痰不食此

脾胃虛而飲食為痰用半夏茯苓湯漸愈又用六君子加枳殼蘇梗桔梗而飲食如常後因恚怒腸脹不食吐痰惡心用半夏茯苓湯加柴胡山梔而愈汪石山治一婦形質瘦小面色近紫產後年餘經水不通首夏忽病嘔吐手指麻痺拳不能伸展聲音啞小歲不出聲醫皆視為風病危之汪診脉皆細微近滑曰此妊娠惡阻病也眾謂經水不通安有妊娠汪曰天下之事有常有變此乃事之變也脉雖細微似近于滑又尺按不絕乃妊娠也遂以四君子加二陳治之諸證俱減尚畏粥湯惟食乾糕香燥之物而有生

意給事游讓溪夫人病新愈月餘經事不行嘔噦眩暈飲食艱進醫以為二陽之病發心脾女子不月法在不治江瓘診之尺脉雖小按之滑而不絕此妊而惡阻非凶候也六君加砂仁數服而安後產一女金匱婦人得平脉陰脉小弱其人渴不能食無寒熱名妊娠桂枝湯主之於法六十日當有此證設有醫治逆者却一月加吐下者則絕之婁全善曰絕之者謂絕止醫治候其自安也予嘗治一婦阻病吐愈治愈逆因思仲景絕之之旨遂停藥月餘自安真大哉聖賢之言也

萬全方云凡妊娠惡食者以所思食任意食之必愈
仲景云妊娠嘔吐不止乾薑人參半夏丸主之
乾薑人參半夏丸

乾薑

人參 各壹兩

半夏 湯洗去

右三味末之以生薑汁糊為丸如梧子大飲服拾

丸日三服

半夏茯苓湯

治妊娠惡阻嘔吐心煩頭目眩暈惡

聞食氣好食酸鹹多卧少起百節煩疼羸瘦有痰

胎孕不牢

半夏 洗壹兩 貳錢半

赤茯苓

熟地黄 各柒錢半

橘紅

旋復花 千金方無旋復有細辛紫蘇

人參

芍藥

川芎

桔梗

甘草 各半兩

右咳咀每服伍錢薑柒片水煎空心服兼服茯苓

丸若有客熱煩渴口瘡去橘紅細辛加前胡知

母柒錢半若腹冷下痢去地黄加炒桂心半兩

若胃中虛熱大便秘小便赤澀加大黃柒錢半

去地黄加黃芩貳錢伍分

茯苓丸 治妊娠阻病心中煩悶吐痰眩暈先服半

夏茯苓湯兩劑後服此藥

赤茯苓

人參

桂心

乾薑

半夏

橘皮

白朮

葛根

甘草

枳殼

各貳兩

右為細末

煉蜜丸如桐子大每服伍拾丸米飲下

日三服

一方加麥門冬一肘後加五味子一

療妊娠心胸支滿痰逆不思飲食

赤茯苓

前胡

白朮

紫蘇葉

各壹兩

半夏

麥門冬

人參

大腹皮

各半兩

右為粗末每服四錢水壹盞薑五片煎至柒分去

滓溫服

一方無腹皮人參有大腹子檳榔

療妊娠心膈氣滯嘔吐不下飲水心神虛煩四肢少

力

枇杷葉

半夏

麥門冬

人參

甘草

訶子肉

藿香

各壹兩

赤茯苓

枳殼

陳皮

各半錢

右咬咀每服叁錢水壹盞薑叁片棗壹枚煎至柒

分去滓溫服

一方無訶子及棗

集驗療婦人妊娠惡阻嘔吐不下食

青竹茹

橘皮

生薑

茯苓各肆兩

半夏伍兩

右細切以水陸升煮取貳升半去滓分三服不差
頻服忌羊肉餛飩等物

旋復半夏湯 治妊娠惡阻吐逆酸水惡聞食氣多

臥少起

旋復花去枝

川芎

細辛去土

人參

甘草炙各

當歸去蘆

半夏湯泡

赤茯苓去皮

乾生薑

陳皮去白各壹錢伍分

右作一服水貳鍾薑五片煎至壹鍾不拘時服

旋復花湯 治妊娠六七月胎不安嘔吐

旋復花伍分

厚朴

白朮

枳殼

黃芩

茯苓各壹錢伍分

半夏

芍藥

生薑各壹錢

右作一服水貳鍾煎至壹鍾食前服

右諸方並用半夏蓋取其辛以散結氣瀉逆氣故

嘔惡自止非專為痰設也婁全善曰大全方論半

夏動胎而不用仲景方乃用之予治妊娠阻病累

丁香
乾煎
例

用半夏末嘗動胎也經云有故無殞是也

白朮散 治惡阻吐清水甚者害十餘日水漿不入

白朮 壹兩

人參 半兩

丁香 貳錢

甘草 壹錢

右為細末每服貳錢水壹盞薑伍片煎至米分溫服

人參丁香散 治妊娠惡阻胃寒嘔逆翻胃吐食及心腹刺痛

人參

丁香

藿香葉 各貳錢半

右為散每服叁錢水壹盞煎柒分去滓溫服無時

又方

人參

丁香

柿蒂 各貳兩

甘艸

良薑 各半兩

右為細末每服貳錢熱湯點下無時

醒脾飲子 治妊婦阻病嘔逆不食甚者中滿口中

無味或作寒熱此出王氏博濟方

草豆蔻

以濕紙裹灰火中煨令紙乾取出皮用

厚朴 薑製各半兩

乾薑 壹兩

甘艸 壹兩貳錢半

右為細末每服貳錢水壹大盞棗貳枚生薑叁片煎至捌分去滓呷服病輕者只一兩服便能食

合前

女十四

卷

舊有橘紅貳兩治寒熱瘧痢不食後人去橘皮以
乾生薑代乾薑治老人氣虛大便秘少津液引飲
有奇効產科醫官齊士明依舊用乾薑去橘皮亦
名醒脾飲子治阻病極神驗
右諸方與前茯苓丸並用了香乾薑惟中寒脈遲
者宜之

人參橘皮湯 治阻病嘔吐痰水

人參 橘皮 白朮

麥門冬去心各壹兩 甘草壹錢 厚朴製

又白茯苓各伍錢

為粗末每肆錢加淡竹茹彈子大薑參片水同煎
治妊娠嘔吐不食兼吐痰水

生薑根柒分 橘紅肆分 生薑陸分

檳榔貳分 枇杷葉叁分

右切水貳盞煎柒分空心熱服

治妊娠惡食心中煩憤熱悶嘔吐

青竹茹 麥門冬各叁兩 前胡貳兩

橘皮壹兩 薑根壹握
如體熱四肢煩熱者加地骨皮壹握

右切細以水壹大升煮半升去查分兩服食前

右諸方內用門冬竹茹蘆根皆氣涼而性和有熱

治前惡阻 女科四 六十九

無寒者通用之平劑也

治妊娠惡食古今錄驗方

人參肆兩

厚朴

生薑

枳殼

甘艸各貳兩

水陸升煮取參升分三服

理血

歸原散

治妊娠惡阻嘔吐不止頭痛全不入食服諸藥無効者用此藥理血歸原則愈

人參

甘艸

川芎

當歸

芍藥

丁香各半兩

白茯苓

白朮

陳皮各壹兩伍錢

桔梗炒

枳殼去瓢炒各貳錢半

半夏湯洗柒次切炒黃壹兩

右吹咀每服參錢生薑伍片棗壹枚水同煎

安胎飲 治懷胎三月四月至九个月日嘔吐痰水

心中憤悶頭重目眩惡聞食氣或胎動不安腰腹

疼痛或時下血及妊娠一切疾病並皆治之

甘草

茯苓

當歸

熟地黄

川芎

白朮

黃芪

白芍藥

半夏湯泡柒次切炒

阿膠切粉炒

地榆各等分

右吹咀每服參錢生薑肆片水煎溫服無時候

合前惡阻

大羊月

一方無半夏地榆有人參桑寄生 一方無芩朮

半夏地榆有艾葉只是膠艾湯加白茯苓

小地黃丸 治妊娠惡心嘔吐清水腹疼不食

人參去蘆 乾薑炮各等分

右為細末以生地黄汁和為丸如桐子大每服五

拾丸食前米飲送下

右方並理血之劑李茂翁所謂左脉弱而嘔服諸

藥不止者服理血歸原藥則愈即此類是也

保生湯

治婦人經候不行身無病而似病脉滑大而六脉俱勻乃是孕婦之脉也精神如故惡聞食

氣

臭或但嗜一物或大吐或時吐清水此名惡阻切勿作寒病治之宜服此藥如覺惡心嘔吐加丁香生薑煎服温隱居方

人參

甘艸各貳錢半

白朮

香附子

烏藥

橘紅各半兩

右吹咀每服參大錢水壹盞半薑伍片煎至柒分

去滓温服無時或作末子調服

白朮散 治妊娠胎氣不和飲食少進

白朮炒

紫蘇各壹錢

人參貳錢

青皮去白

訶子肉

川芎各捌分

甘艸 炙半錢

右作一服水貳鍾薑參片煎至壹鍾不拘時服
二香散 治妊娠胎動不安氣不升降飲食不美嘔
吐酸水起坐覺重

香附子 壹兩

藿香葉

甘艸 各叁錢

右為細末每服貳錢不拘時沸湯調下

補遺予嘗治妊婦惡阻嘔吐不食頭暈不敢行步以

苦柚皮濃煎湯飲數盞而愈吐甚者加薑汁

又方 縮砂仁末每貳錢薑湯調下或米飲調

右方並理氣之劑氣虛者首三方為宜氣不順者

医案

有所
火

者第三方為宜

襲

一婦人孕三月吐痰水并飲食每白寅卯時作

時覺少腹有氣衝上然後膈滿而吐面赤微躁頭

眩卧不起牀四肢疼微渴此肝火挾衝脉之火衝

上也一日甚一日輕脉和右寸洪大百藥不効將

二月子男病偶用沉香磨水化抱龍丸一服膈寬

氣不上衝二三服吐止眩減食進而安 又應氏

婦嘈雜吐食脉壅心下滿塞氣攻背兩肘皆痛要

人不任手以熱物摩熨得吐稍踈脉洪大處此方

黃連 壹錢

黃芩 貳錢半

白朮

拾前惡阻

女半日

三三

半夏各貳錢

甘草炙

縮砂各伍分

陳皮

當歸

山梔

枳殼炒

香附

人參

蒼朮各壹錢

茯苓壹錢半

生薑柴片

服二貼後嘔雜吐止心滿塞退但於夜間背肘痛用摩腹遂與抱龍丸化服其疾如失

丹一婦人年近三十懷孕兩月病嘔吐頭眩自覺不可禁持以人參白朮川芎陳皮茯苓等藥服五七日愈覺沉重召予脉之兩手弦左為甚而且弱予曰此是惡阻病必怒氣所激問之果然肝氣既逆又挾胎

氣參朮之補大非所宜教以時用茯苓湯下抑青丸二十四粒五貼自覺稍安診其脉略有數狀自言口乾苦稍食粥則口酸予意其為膈間滯氣未盡行教全以川芎陳皮山梔茯苓生薑煎湯下抑青丸十五粒十餘貼餘證皆平但食及常時之半食後覺口酸不食覺易飽予謂肝熱未平則以白湯下抑青丸二十粒二十日而安予又脉之見其兩手脉雖和平而左手弱甚此胎必墮此時肝氣既平參朮可用矣遂用始初參朮等藥補之預防墮胎以後之虛服之一月胎自墮却得平穩無事抑青丸一味黃連為丸是

也

胎動不安者由衝任經虛受胎不實也亦有飲酒房室過度損動不安者有誤擊觸而胎動者有喜怒氣宇不舒傷於心肝觸動血脉者有信醫宜服煖補反為藥所害者有因母病而胎動者但治母病其胎自安有胎不堅固動及母疾但當安胎其母自愈當以母形色察之若面赤舌青兒死母活面青舌赤口中沫出母死子活若唇口青兩邊沫出者子母俱死薛前證胎氣鬱滯者用紫蘇飲脾氣虛弱者六君子湯加蘇枳鬱結傷脾者歸脾湯加柴梔鬱

胎動不安

大全妊娠胎動不安者由衝任經虛受胎不實也亦有飲酒房室過度損動不安者有誤擊觸而胎動者有喜怒氣宇不舒傷於心肝觸動血脉者有信醫宜服煖補反為藥所害者有因母病而胎動者但治母病其胎自安有胎不堅固動及母疾但當安胎其母自愈當以母形色察之若面赤舌青兒死母活面青舌赤口中沫出母死子活若唇口青兩邊沫出者子母俱死薛前證胎氣鬱滯者用紫蘇飲脾氣虛弱者六君子湯加蘇枳鬱結傷脾者歸脾湯加柴梔鬱

胎動不安

卷四

胎四

回胎
常服

怒傷肝脾者四七湯加芎歸怒動肝火者加味小柴
胡湯若胎已死急用平胃散加朴硝腐化之
永固孕湯

地黃

川芎

黃芩各五分

歸身尾

人參

白芍藥

陳皮各壹錢

白朮壹錢半

甘草叁錢

黃蘗少許

桑上辛食藤圓者糯米拾肆粒

右吹咀水煎服

○
金匱婦人妊娠宜常服當歸散主之

當歸散方

當歸

黃芩

芍藥

芎藭各肆兩

白朮半斤

右五味杵為散酒飲服方寸匕日再服妊娠常服

即易產胎無苦疾產後百病悉主之

妊娠養胎白朮散主之

白朮散方

白朮

芎藭各壹兩

蜀椒柒錢半
去汗

牡蠣半兩

右四味杵為散酒服壹錢七日三服夜二服但苦
痛加芍藥心下毒痛倍加芎藭心煩痛吐不能飲

胎動不安

女科四

三五

或動
或痛
之者安

食加細辛壹兩半夏大者貳拾枚服之後更以醋
漿水服之若嘔以醋漿水服之復不解者小麥汁
飲之已後渴者大麥粥服之病雖愈服之勿置
集驗方療妊娠二三月上至六九月胎動不安腹痛
已有所見方

艾葉

阿膠

當歸

川芎各叁兩

甘艸壹兩

右細切以水捌升煮取叁升去滓內膠令烊分三
服日三千金文仲備急同

四物湯加熟艾阿膠茯苓治一切胎動不安

安胎當歸湯 治妊娠五月舉動驚愕胎動不安下

在小腹痛引腰脇小便疼下血見前逐月養胎

阿膠散 治妊娠或因頓仆胎動不安腰痛腹滿或

有所下或胎上搶心

熟地黃貳兩

白芍藥

艾葉

當歸

甘草

阿膠

黃芪各壹兩

一方有川芎

右咬咀每服半兩薑叁片棗壹枚水同煎

又方 治妊娠胎動不安心神虛煩腹內痛

阿膠碎炒

人參

川芎已上各壹兩

合前胎動不安

七十四

七十六

白茯苓

麥門冬 去心

柴胡 去苗巴上 各半錢半

甘草 炙

當歸 剉炒

黃芩 各半兩

右件為末每服肆錢以水壹中盞生薑半分棗叁枚同煎陸分去滓熱服

立効散 治婦人胎動不安如重物所墜冷如冰

川芎

當歸 各等分

右為麤末秤叁錢水煎食前溫服

產寶 治妊娠無故胎動不安腹內絞痛煩悶

當歸

桑寄生 各壹兩 川芎 半錢

鼓 捌合

阿膠 伍錢

蔥 拾肆莖

右以水貳升煮取捌合下膠烱溫分貳服空心服

一方無鼓用銀器煎集驗無寄生鼓有續斷柴錢

半銀多少先前後入藥

養生必用 治胎動方 救急療胎動去血腰痛

阿膠

川芎

當歸

青竹茹 各貳錢

右以水拾盞內銀壹斤煮至伍錢去銀入上件藥

三味煮至貳錢半去滓入膠再煎膠烱分溫三服

空心自早至暮盡未効再作

寄生氣 治胎氣常不安及五箇月已後胎不安

胎前胎動不安

女科四

三七

桑寄生

洗剉

秦艽

阿膠

各半兩

糯米粉

半兩

右以新汲水叁升先下寄生秦艽貳味煮至貳升去滓次入阿膠糯米再者約壹升止分三服空食前日午服之忌酒醋三五日妊婦胎氣至五月已後常不安者服之必効頃見妊婦好飲酒食鹹酸五辛胎必動不可不知

黃耆湯

治胎動不安腹痛下黃汁

糯米

帶合

黃耆

川芎

各壹兩

右細剉水貳大盞煎至壹盞參分溫服

順氣飲子

產前服之安胎

紫蘇葉

木香

人參

草豆蔻

茯苓

甘草

大腹子

壹兩如氣弱者不用

右咬咀每服叁錢水壹盞葶根參子糯米少許煎至柒分去滓溫服

安胎寄生湯

仲文療

血流下方

桑寄生

白朮

各壹兩貳錢半

茯苓

壹兩

甘草

貳兩半

右切以水伍升煮取貳升半分三服若人壯者可

胎前產後不安

女科四

生藥

加芍藥貳兩足水貳升若胎不安腹痛端然有所見加乾薑壹兩即安忌海藻菘菜酢物桃李雀肉等

秦芫湯指治胎動不安

秦芫

阿膠炒

艾葉

右等分爲麤末每服伍錢水貳盞糯米百粒煎至壹盞去滓溫服

小品止痛湯

療妊娠重下痛引腰背安胎

當歸

阿膠炙

乾地黄

黃連

芍藥各壹兩

雞子壹枚

秫米壹升

右柒味以水柒升攪雞子令相得煮秫米令如蟹目沸去滓內諸藥煮取叁升分四服忌蕪荑經心

錄同

黃芩湯 治婦人胎孕不安

黃芩

白朮各半兩

當歸貳錢

右作一服水貳鍾煎至壹鍾不拘時服

釣藤湯 治妊娠八九月胎動不安心腹疼痛面目

青冷汗出氣欲絕此由勞動用力傷胎官宜急治

之

釣藤鈎

當歸

茯神

人參 各壹兩

苦梗 壹兩半

桑寄生 半兩

右為粗末每服伍大錢水貳盞煎至壹盞去滓溫服無時候忌豬肉菘菜若煩熱加石膏貳兩半臨產月加桂心壹兩

刪繁療婦人懷妊胎動不安葱豉安胎方

香豉

壹升熬

葱白

壹升

阿膠

貳兩炙

先以水參升者葱豉取壹升去滓入膠再煎令烱服一日一夜可服三四劑經心錄同始妊娠胎動不安護胎法

鯉魚 貳斤

粳米 壹升

葱 壹握

豉

薑

右作膳食之每月一度

安胎織單散

白藥子 壹兩

白芷 半兩

右為細末每服貳錢煎紫蘇湯調下或胎熱心煩悶入砂糖少許煎

銀芎酒 治妊娠胎動欲墮腹痛不可忍方

芎根

貳兩剉

銀

伍兩

清酒

壹瓊

右以水貳大瓊煎至壹大瓊去滓分溫二服

胎前胎動不安

卷十四

八

治胎動不安

用好銀者取冰著葱油作羹食之佳

又方 川芎貳兩 葱白壹升 右以冰末升煮取貳升

半分温三服

療妊娠後不轉動方

阿膠炙壹兩 桑寄生半兩

右為末以酒壹升煮五沸下生雞卵壹枚酒出分

温貳服空心食前

小品方無寄生有艾葉只用冰煎

肘後治胎動不安取葶根如足大指者壹尺咬咀以

水伍升煮取叁升去滓服一方有生薑伍片丹溪云葶根大能補陰而行

血滯

縮砂散 治胎動不安墮在須臾者神效方見毒物傷胎

又方 川芎貳兩 葱白伍兩 水叁碗煮貳碗半分三服

治妊娠因失所動困絕方取竹瀝飲壹升立愈

鯉魚臙方 治妊娠胎動不安心腹刺痛

鯉魚壹斤修事淨細切 阿膠壹兩杵碎炒黃燥 糯米貳合

右件以水貳升入魚膠米煮令熟入葱白生薑橘

皮鹽少許更煮伍柴沸食前喫如有所傷且喫五

七日效

治妊娠胎動煩悶不安甚方

取生地黃杵絞汁每服壹小盞煎令沸入雞子白壹枚攪令勻頓服

治妊娠胎動晝夜叫呼口噤唇塞及下重痢不息方

艾葉伍兩

右以好酒伍升同煮取肆升去滓更

煎取壹升服口閉者開口灌之藥下即瘥

胎上逼心即子懸

薛胎上逼心之證若氣逆胎上用紫蘇飲飲食不甘兼以四君子若內熱晡熱兼以逍遙散若胃火所致用四君黃芩枳殼柴梔若脾鬱所致用歸脾湯加柴梔枳殼一妊婦每因恚怒其胎上逼左關脉弦洪乃肝火內動用小柴胡加茯苓枳殼山梔而愈但體倦不食用六君子調養脾土加柴胡枳殼調和肝氣乃瘥一妊婦胎上逼胸滿噯氣飲食少思此脾氣鬱滯用紫蘇飲頓安又用四君子加枳殼柴胡山梔而瘥程文彬治孕婦七個月胸膈飽悶氣喘忽吐

匿宗

胎上逼心

女科四

八七

出一物如小腸寸許舉家驚疑其胎爛程至診得寸口脉洪滑知其氣盛血少胎氣湊上中焦畜有濕熱濕生痰知所吐之物乃痰結聚病名子懸以紫蘇飲加芩連貝母十劑獲痊

本事方紫蘇飲 治妊娠胎氣不和懷胎近上脹滿疼痛謂之子懸兼治臨產驚恐氣結連白不下

紫蘇莖葉 壹兩

大腹皮

人參

川芎

陳皮

白芍藥 各半

當歸 柒錢半

甘草 貳錢半

右細剉分作三服每服用水壹盞半生薑肆片蔥白柒寸煎至柒分去香空心服

曾有一婦累日產不下服遍催生藥不驗予曰此必坐草太早心懷一點懼氣結而不行然非不順也素問云恐則氣下蓋恐則精神怯怯則上焦閉閉則氣還還則下焦脹氣乃不行矣得此藥一服便產及婦人六七月子懸者予用此數數有驗不十服胎便近下 陳良甫治一婦有孕七個月遠歸忽然胎上衝心而痛坐卧不安兩醫治之無效遂說胎已死矣用草麻子研爛加麝香調貼臍中

胎前胎上通心

女科十四

八十三

以下之命在垂亡召陳診視兩尺脉絕他脉平和
陳問二醫作何證治之荅曰死胎也陳曰何以知
之曰兩尺脉沉絕以此知之陳曰此說出何經二
醫無荅陳曰此子懸也若是胎死却有辨處面赤
舌青子死母活面青舌赤吐沫母死子活唇口俱
青母子俱死今面不赤口不青其子未死是胎上
逼心宜以紫蘇飲子治之至十服而胎近下矣
當歸湯 治妊娠胎動盪心悶絕煩躁口乾橫生倒
產上衝下築迷悶唇口青黑手足厥冷產科名保
安散一方無甘草有川芎厚朴產寶方有川芎

當歸

人參 各壹兩半

阿膠 炒

連根蔥白 壹握

甘草 各壹兩

右細剉水貳升煎四味至升半去滓下蔥再煎減
參合温服一劑分為二三服

大聖散 治妊娠忪悸睡夢多驚心腹脹滿連膈急
痛胎上逼 見驚悸

治胎上逼心煩悶方又治妊娠六七月以後胎動困
篤用蔥白二七莖濃煮汁飲之若胎未死即安已死

即出未効再服 婁全善云此方神妙脉浮滑者宜之本草云蔥白通陽氣安胎

秘錄治胎動上逼心痛取艾葉如雞子大以頭醋四

升煎取二升分溫服 又治胎上逼心熱痛下血神
麩半斤搗碎和熟水絞取汁三鍾無時溫服止
治妊娠遍身痛或衝心欲死不能飲食

白朮

伍兩

黃芩

貳兩

芍藥

肆兩

兼易產

文仲葛氏療妊娠卒胎上迫心痛方

取弩弦急帶

之立愈

膠艾湯

見血崩

保生丸

大法

妊娠經來 漏胎下血

脉經婦人經月下但為微少師脉之反言有軀其後
審然其脉何類何以別之師曰寸口脉陰陽俱平榮
衛調和按之滑浮之則輕陽明少陰各如經法身反
灑淅不欲食飲頭痛心亂嘔噦欲吐呼則微數吸則
不驚陽多氣溢陰滑氣盛滑則多實六經養成所以
月見陰見陽精汁凝胞散散者損墮設復陽盛雙妊
二胎今陽不足故令激經也滑脉主血有餘今太
抵妊娠經來不多而飲食精神如故六脉和緩滑大
無病者血盛有餘也兒大能飲自不來矣

任娠漏胎此由衝任脈虛不制能約制手太陽少陰之任血故也

以任帶月信不絕而不損

大全夫妊娠漏胎者謂妊娠數月而經水時下也此由衝任脈虛不能約制手太陽少陰之經血故也衝任之脈為經絡之海起於胞內手太陽小腸脈也手少陰心脈也是二經為表裏上為乳汁下為月水有娠之人經水所以斷者壅之養胎蓄之以為乳汁也衝任氣虛則胞內泄不能制其經血故月水時下亦名胞漏血盡則人斃矣又有因勞役喜怒哀樂不節飲食生冷觸冒風寒遂致胎動若母有宿疾子藏為風冷所乘氣血失度使胎不安故令下血也 曾有以妊娠月信不絕而胎不損問產科熊宗古答曰婦

人血盛氣衰其人必肥既娠之後月信當來而胎不動若據晚進觀之便以為漏胎若作漏胎治之則胎必墮若不作漏胎治則其胎未必墮今推宗古之言誠有旨也巢氏云婦人經閉不利別無所苦者是謂有子以其經血畜之以養胎擁之為乳汁也有子之後畜以養胎矣豈可復能散動耶所以然者有妊而月信每至是亦未必因血盛也若謂婦人榮經有風則經血喜動以其風勝則可也既榮經為風所勝則所來者非養胎之血以此辨之若作漏胎治之必服保養補胎之藥且胎不損強以藥滋之乃所謂實實

虛虛也其胎終墮宜矣若醫者知榮經有風之理專
以一藥治風經信可止或不服藥胎亦無恙然而有
胎本不固而因房室不節先漏而後墮者須作漏胎
治之此又不可不審也 丹胎漏因氣虛因血虛因
血熱 薛前證若因風熱用防風黃芩丸若因血熱
用加味逍遙散若因血虛用二黃散若因血去太多
用八珍湯未應補中益氣湯若因肝火用柴胡山梔
散若因脾火用加味歸脾湯若因事下血作痛用八
珍湯加阿膠熟艾若因脾胃虛弱用補中益氣湯加
五味子若因脾胃虛陷用前湯倍用升麻柴胡若嘔

血盛而下血
者乃因兒小
飲少也
醫案

熱肉熱宜逍遙散 妊娠卒然下血若因怒氣用小
柴胡湯若因風熱用一味防風丸若因血熱用一味
子芩丸若因脾氣虛弱用六君子湯若因中氣下陷
用補中益氣若氣血盛而下血者乃因兒小飲少也
不必服藥 一妊婦下血服涼血之藥下血益甚食
少體倦此脾氣虛而不能攝血余用補中益氣湯而
愈後因怒而寒熱其血仍下此肝火旺而血沸騰用
加味逍遙散血止用補中益氣湯而安 一妊婦下
血發熱作渴食少體倦屬脾氣虛而肝火所侮用四
君子加柴胡山梔血止因怒復作用六君加柴胡山

婦科經來漏胎 六十七

梔升麻而安。一妊娠六月每怒下血甚至寒熱頭痛脇脹腹疼作嘔少食余謂寒熱頭痛乃肝火上衝脇脹腹痛乃肝氣不行作嘔少食乃肝侮脾胃小便下血乃肝火血熱用小柴胡加芍藥炒黑山梔茯苓白朮而愈。一妊娠六月體倦食少勞役下血用六君加當歸熟地黃柴胡升麻而愈。江應宿治王祠部安人孕三月腰腹遞痛漏下不止氣湧脹悶速江診視六脉弦數平昔脉極沉細此必怒動肝火挾相火而生內熱喜脉不滑未至離經猶可保也以條苓白朮枳殼香附茯苓阿膠白芍當歸陳皮煎調鹿角

補虛

煨酒淬細末一錢更進抑青丸一服痛已數劑平復仲景云婦人有漏下者有半產後因續下血都不絕者有妊娠下血者假冷妊娠腹中痛為胞阻芎歸膠艾湯主之。方見前血崩

大千方治妊娠三四月腹痛時時下血

續斷 貳兩

艾葉

當歸

乾地黄 各陸兩

竹茹 對而微寒

阿膠

雞蘇 各壹兩 治前中胎氣

水壹升煎取陸合空心再服

廣濟安胎胎病漏血腹痛

治前 妊娠經來胎漏

女科

卷

當歸

人參 各壹兩

川芎

大棗 貳拾箇

阿膠 炙

右切以水參升酒肆升煮貳升半分三服五日一劑頻服三四劑無妨

濟生如聖湯 治胎動腹痛或為漏胎

鯉魚皮

當歸 酒浸

熟地黃 酒蒸

白芍藥

阿膠 蚌粉炒

川芎

續斷 酒浸

甘草 炙各等分

一方有乾薑竹茹

右收咀每服肆錢水壹盞葶根少許薑伍片煎溫服濟生有續斷無乾薑竹茹

桑寄生散 治胎漏經血妄行淋瀝不已

桑寄生

當歸 去蘆酒浸

川芎

川續斷 酒浸

阿膠 蛤粉炒

香附子 炒去毛

茯苓 去木

白朮 各壹錢

人參

甘草 炙各半錢

右作一服水貳鍾生薑伍片煎至壹鍾不拘時服鄭氏人參散 治漏胎敗血湊心日漸胎乾子母危

困

人參

黃芪 炙

阿膠 炒各伍錢

竹茹

木香

炙甘草

胎前 妊娠經來胎漏

女科 四

八七

附子炮各半錢

川芎

陳皮

苧根各貳錢半

生薑參錢炮黑

右吹咀每肆錢糯米三七粒水煎熱服忌生冷雞鴨魚麵

梅師治胎動下血心腹疼死生不知服此湯活即安

死即下即催生佛手散方見胎產大法即川芎當歸等分為散也

妊娠無故卒下血不止取阿膠參兩炙搗末酒壹升

半煎令消一服愈

羅氏立聖散 治妊娠下血不止

鷄肝參個用酒壹升煮熟共食之大効

二黃散 治胎漏

生地黃 熟地黃等分水參蓋煎半乾去滓服

治胎漏下血 阿膠兩搗末生地黃斤半搗取汁以清

酒參升絞汁分參服

治胎漏下血不止胎乾即死宜急治之

生地黃汁壹升陳酒伍合

右同煎參伍沸溫參服以止為度

地黃湯 治經血妄行及鼻衄不止

生地黃酒搗取汁薄荷參錢甘草壹錢

右一味為末新汲水合地黃汁調食後服

下血

治前額下血 治漏

六十四

九

續易簡治漏血

用野苧根貳兩炒家種亦可金銀各壹兩為一劑酒水平煎耗半温服若閃顛胎動欲漏砂仁皮炒令熟透為末貳錢酒或鹽湯下

清熱

保命枳殼湯 治婦人胎漏下血及因事下血

枳殼

黃芩各半兩

白木壹兩

右為籬末每服米錢水壹盞煎米分食前服

子芩丸

治肝經有熱妄行下血細條黃芩炒為末每服壹錢以秤錘燒赤燉酒熱調服若脾胃虛不宜用

虛中實者名桔芩即片芩內實者名條芩即子芩

疎

防風丸

治肝經有風以致血得風而流散不歸經用防風為末每服壹錢白湯調服

防風黃芩丸

治肝經有風熱致血崩便血尿血用條芩炒焦防風等分為末酒糊丸桐子大每服參伍拾丸食遠或食前米飲或温酒送下

破血

仲景云婦人宿有癥病經斷未及三月而得漏下不止胎動在臍上者為癥痼害 妊娠六月動者前三

月經水利時胎下血者後斷三月不血也所以血不止者其癥不去故也當下其癥桂枝茯苓丸主之 桂枝茯苓丸方

胎前 妊娠經來腹痛

女科四

九二

桂枝

桃仁去皮

芍藥各等分

茯苓

牡丹去心

右五味末之煉蜜和丸如兔屎大每日食前服壹丸不知加至叁丸

治胎下血不止取桃樹上乾不落桃子燒灰和米服

瘥本草云桃奴破血

榆白皮散 治妊孕胎漏去血恐其難產常宜服之

榆白皮

葵根

瞿麥各貳錢

大麻仁

去殼

木通

各壹錢

牛膝

去蘆酒浸焙壹錢半

右作一服水貳鍾煎至壹鍾不拘時服

胎漏黃汁下或如豆汁

薛前證肝脾濕熱用升陽除濕湯崩血肝脾風熱用加

味逍遙散肝脾鬱怒用加味歸脾湯脾胃氣虛用錢

氏白朮散若脾氣下陷用補中益氣湯肝經風熱用

防風黃芩丸風入腸胃用胃風湯一妊婦因怒胸

膈不利飲食少思服消導順氣之劑脾胃愈弱飲食

愈少大便不實且無度久而便黃水或帶白視其面

色黃中隱白余曰黃色脾虛也白色肺虛也朝以補

中益氣湯升補胃氣夕以六君子培補脾氣而愈

大千方治妊娠忽然下黃汁如膠或如豆汁胎動腹

醫案

胎前胎漏黃汁

女科四

七三

痛

粳米 伍合

黃芪 陸兩

右以水柒升煎取貳升分爲四服

銀芎酒 見前胎動不安

又方用生艾汁貳瓊阿膠白蜜各壹兩煎至柒分温服

如無生艾煎乾艾濃汁亦可 一方加竹茹 一方用酒不用蜜

脉經云婦人懷軀六月七月暴下斗餘水其胎必倚

而墮此非時孤漿預下故也 胎漏徐徐下承今暴下而多故知墮胎也

跌撲傷胎毒藥傷胎

大妊娠驚胎者乃懷妊將滿胎神已具墜仆傷胎甚

至下血不醒若欲驗其子母安否當參第四論治之

薛愚按前證若因怒跌仆或手足抽搐用釣藤湯

見前若因氣滯用紫蘇飲 胎上若因脾胃氣虛用六君

子加蘇梗若鬱結傷脾用歸脾湯若鬱怒傷肝脾用

四七湯 雜病加芎歸若去血過多用佛手散如不應

膠艾湯氣血虛八珍湯加膠艾

催生神妙佛手散治婦人妊娠五七月因事築磕

着胎或子死腹中惡露下疼痛不巳口噤欲絕用

跌撲傷胎 逐汚 養新

治前傷胎

女科四

九三

傷胎去血
崩中去血
金瘡去血
拔牙去血

此藥探之若不損則痛止子母俱安若胎損立便
逐下本出徐文仲神驗胎動方云治血上衝心腹
滿悶者如湯沃雪又治產前產後體熱敗血腹痛
又名芎藭湯

當歸 陸兩

川芎 肆兩 ○張氏方等分

右為粗末每服參錢水壹大盞煎令泣泣欲乾投
酒壹大盞止前壹沸去滓溫服口噤灌之如人行
五里再服不過三五服便生一方云此藥治傷胎
去血多崩中去血多金瘡去血多拔牙去血多昏
暈欲倒者以水煎服或先以漏血腹內疼痛加芍

藥官桂減半隨手効餘詳胎產大法

治妊娠忽因倒地或擊重作勞促損腹中疼痛腫重
及子死腹中不出二服立下

川芎 壹兩

右為細末以熱酒調服方寸匕日三四服

按川芎上竄散氣有服之暴亡者若診其脈舉之
有按之無者忌服

治妊娠從高墜下腹痛下血煩悶

生地黃

益母草 各壹兩

當歸

黃芪 各半兩

治前傷胎

女科四

九七

右咬咀每服肆錢水壹盞薑肆片煎至陸分去滓無時候

集驗療妊娠二三月上至七八月頓仆失跌胎動不安傷損腰腹痛欲死若有所見及胎奔上搶心短氣下血不止方

乾地黃 當歸 艾葉各貳兩

阿膠 川芎各參兩

右以水柒升者取貳升半分作三服腹痛甚加杜仲五加皮各參兩一方無地黃有甘草一方無地黃却用生薑自然汁壹匙地黃汁半合馬通半

合煎成藥去滓入此再煎三沸温服一方有人參白茯苓水煎

丹婦人因閃挫傷胎肚疼血崩

歸尾 陳皮 白朮
人參 茯苓 白芍藥
川芎各參錢 甘草炙伍分

右咬咀分四貼水參盞煎取壹盞下縮砂末壹錢伍分炒黑五靈脂壹錢

竹茹酒 治妊娠誤有失墜損血胎損疼痛

青竹茹貳合 好酒壹升

治前傷胎 女科日 九十五

右煮三五沸分作三服即安

秦朮湯 療妊娠或因懼化胎動不安臍腹痛方

胎動不安

治妊娠偶有所傷胎動不安疼痛不可忍兼治崩血

又兼治子冒又名子癰

縮砂多以少和皮炒令黑色一方用仁熨斗內略

炒為細末熱酒調下貳錢不飲酒者以米飲調下

皆可覺腹中熱則胎已安矣此方神效子常用之

有驗

補遺安胎散 治卒然腰痛下血不止

熟地黃

艾葉

白芍藥

川芎

黃芪

阿膠炒

當歸

甘草

地榆 各等分

右咬咀每肆錢薑伍片棗壹枚煎溫服

薛若因毒藥用甘草黑豆淡竹葉若因頓化用阿膠

散未應煎送知母丸若因頓化下血腹痛用佛手散

未應用八珍送知母丸血出過多用八珍湯斤許益

母草四兩水煎徐徐與服若胎死以朴硝或平胃散

下之

捷徑方

治用毒藥攻胎藥毒衝心外證牙關緊急

毒藥傷者用中

予嘗用之若法以神驗

治前傷胎

女科四

九

口不能言兩手強直握拳頭低自汗身微熱外證
與中風相似但其脉浮而軟十死一生醫多不識
若作中風治之必死無疑用白扁豆貳兩生去皮
為末新汲水調下即効

阿膠散 治妊娠不問月數深淺或因頓仆或因毒
藥胎動不安腰痛腹滿或有所下或胎上搶心短
氣乏力方見前胎動不安

妊娠誤服諸藥毒致胎動不安治之方

甘草 黑豆 淡竹葉 等分 濃煎汁飲之

奪命丸 治婦人小產下血至多子死腹中其人憎

寒手指唇口爪甲青白面色黃黑胎上搶心則悶
絕欲死冷汗自出喘滿不食或食毒物或誤服艸
藥傷動胎氣下血不止胎尚未損服之可安已死
服之可下若胎腐爛腹中危甚者立可取出此方
的係異人傳授至妙此即仲景茯苓桂枝丸但用
丹皮茯苓桂枝杏仁赤芍
藥等分是也丹溪亦稱妙

心痛
一
女科

[Faint bleed-through text from the reverse side of the page]

醫案

白朮心痛

大妊娠心痛乃風邪痰飲交結若傷心正經為真心痛朝發夕死夕發旦死若傷心支絡則乍安乍作若傷於子藏則胎動而血下薛前證若飲食所傷用平胃散加枳殼山查若因錯雜諸邪當審其因而治之
一妊婦心痛煩熱作渴用白朮散即愈後因停食其痛仍作胸腹膨滿按之則痛此因飲食停滯用人參養胃湯按之不痛乃脾胃受傷以六君子補之而愈
一妊婦心腹作痛胸脇作脹吞酸不食此肝脾氣滯用二陳山查山梔青皮木香而愈又因怒仍

胎前心痛

女科

七十八

痛胎動不食面色青黃肝脉弦緊脾脉弦長此肝木

乘土用六君子湯加升麻柴胡木香而愈

火龍散 治妊娠心氣疼

川棟子

茴香炒各參錢

艾葉末

鹽炒壹錢半

右作一服水貳鍾煎至壹鍾不拘時服

產寶治妊娠卒心痛氣欲絕方

川芎

當歸

茯苓

厚朴製各壹分

右水陸升煎取貳升分一服

白朮湯 治妊娠卒心痛欲死不可忍者出古今錄驗

白朮三兩

赤芍二兩

黃芩一兩半

右切以水陸升煮取二升半分參服半日令盡微

下水令易生忌黍李雀肉等

千金療妊娠心痛

青竹茹一升

羊脂樹兩

白蜜

三兩

右三味合煎每服束核大三枚食前頓服三服

又方青竹茹一升酒二升煮取一升半去滓分溫頓

服

又方破雞子一枚酒調服之

又方大麻子三升研水搗升煮取伍升分五服

胎前心痛

女科四

九二七

又方橘皮^三

兩

豆豉^伍

兩

為細末

煉蜜為丸

如梧桐

子大溫水

下

柴柴丸

無時候

四方

並外臺秘要

補遺沉香降氣湯

茯苓補心湯

四七湯

紫蘓飲皆可用

雷公炮炙論云心痛欲死急覓延胡

心腹痛

大夫妊娠心腹痛者或由宿有冷疼或新觸風寒皆由臟虛而致發動也邪正相擊而并於氣隨氣上下衝於心則心痛下攻於腹則腹痛故冷心腹痛也妊娠而痛者邪正二氣交攻於內若不時差者其痛衝擊胞絡必致動胎甚則傷墮也又云妊娠心腹疼痛多是風寒溫冷痰飲與藏氣相擊故令腹痛攻傷不已則致胎動也薛前證若風寒痰飲用金沸草散雜病胎氣鬱結加香附川芎若飲食停滯用六君加紫蘇枳殼若怒動肝火前藥更加柴胡山梔若鬱

結傷脾用歸脾湯健忘加枳殼山桅一妊婦心腹
作痛吐痰惡心胎氣上攻飲食少思此脾虛氣滯而
為痰用六君子加柴胡枳殼諸證漸退飲食漸進又
用四君子加枳殼山桅桔梗而安後因怒兩脇氣脹
中脘作痛惡寒嘔吐用六君加柴胡升麻木香一劑
而愈

當歸芍藥散治妊娠腹中絞痛心下急痛及療產
後血暈目虛氣乏崩中久痢常服通暢血脉不生
癰癤消痰養腎明目益津

白芍藥

半斤

當歸

茯苓

白朮

各肆兩

澤瀉

川芎

各貳兩

右為細末每服貳錢食前温酒調服

元和紀用

經名為六氣經緯丸云能祛風補勞養真陽退邪

熱緩中安和神志潤澤容色散寒邪温瘴時氣安

期先生賜李少君久餌之藥後仲景增減為婦人

懷妊腹痛方本方用芍藥肆兩澤瀉茯苓川芎各

壹兩當歸白朮各貳兩亦可以蜜丸服出三

阿膠散

治妊娠胎動腹中疝痛不思飲食

甘草

貳錢半

白茯苓

白朮

川芎

阿膠各柒錢半

當歸炒

陳皮 各壹兩

右咬咀每服參錢水壹盞薑參片棗壹枚煎至柒分服

療妊娠患腹痛并胎動不安

蔥白 切壹升

人參

厚朴

阿膠

川芎 各貳兩

當歸 參兩

右咬咀以水柒升煎取參升分三服 一方有甘

草無厚朴川芎

療妊娠先患冷氣忽中心腹痛如刀等歸湯

川芎

人參

茯苓

吳茱萸

苦梗

當歸 各參兩

厚朴 製

芍藥 各貳兩

右咬咀以水玖升煎取參升分三服氣下即安

草豆蔻散 治妊娠心腹常痛藥食減少四肢不和

全不入食

草果仁

想是草豆蔻

陳橘皮

乾地黄

白朮

各壹兩

川芎 柒錢半

當歸 炒

桂心

乾薑

木香 各半兩

右為細末每服肆錢水壹盞棗貳枚煎陸分熱服

古今錄驗療妊娠腹內冷痛忽胎動

治前心腹痛

不斗四

百一

古今薤白 壹升

當歸 切肆兩

右以水伍升煮取貳升作三服亦將小便服將去
下炊頃去

千金療妊娠腹中痛方 生地黄 貳斤 取汁酒壹升

合煎減半頓服愈

治妊娠胎動欲落腹中痛不可忍

上等銀 壹斤

茅根 貳斤 去黑皮

以水玖升煮銀取

伍升入清酒壹升同煎茅根取叁升分三服立安

治妊娠四五月忽心腹絞痛

大紅棗 拾肆枚

燒存性為末童子小便調下

治妊娠心腹痛不可忍方

鹽 壹斤

燒令赤以兩指取一撮酒調服

香茂散

治妊娠五个月已後常胸腹間氣刺滿痛

或腸鳴以至嘔逆減食此由喜怒憂慮過度飲食

失節之所致也 蔡元度寵人有子夫人怒欲逐

之遂病醫官王師復處此方三服而愈

廣中莪茂 壹兩

炒 丁香 半兩

粉草 貳錢半

右為細末空心鹽湯點服壹大錢覺胸中如物按

下之狀愈

補遺手拈散

四七湯加歸芍 四磨湯

小烏沉

胎前 心腹痛

女科四

三

湯安胎飲除地榆

已上諸方皆可選用

[Faded bleed-through text from the reverse side of the page]

腹痛

仲婦人懷胎腹中諸疾痛當歸芍藥散主之 見前心痛

潔地黃當歸湯 治婦人有孕胎痛

當歸 壹兩 熟地黃 貳兩

右為末作一服水參升煎至壹升半去滓頓服

仲婦人腹中痛小建中湯主之 方見傷寒腹痛

雲芎歸湯 治妊娠先患冷氣忽心腹痛如刀刺 見前

丹孫院君因近喪冒惡氣傷胎肚痛手不可近發熱

口中不思食須安胎散滯氣

胎前 腹痛 女科 百四

青皮 參錢
黃芩 各貳錢
歸尾 壹錢半
川芎 壹錢
甘草 多少許
芍藥 各貳錢
木香 伍分

分一貼水參盞先煮苧根兩大片至貳盞去苧根入前藥同煎至壹盞熱服

診 治妊娠腹痛用生地黄參斤搗取汁酒壹升合煎減半頓服愈

脉師曰婦人有胎腹痛其人不安若胎病不動欲知生死冷入摸之如覆杯者則男如肘頸參差起者女也冷在何面冷者為死温者為生

小腹痛

大妊娠小腹痛者由胞絡虛風寒相搏痛甚亦令胎動也 薛前證若風寒所搏用紫蘇飲加生薑氣血虛用八珍湯脾氣虛用六君子湯中氣虛用補中益氣湯若腹脹痛用安胎飲加升麻白朮不應兼補中益氣湯 一妊婦小腹作痛其胎不安氣攻左右或時逆上小便不利用小柴胡湯加青皮山梔清肝火而愈後因怒小腹脹滿小便不利水道重墜胎仍不安此亦肝木熾盛所致用龍膽瀉肝湯下劑諸證頓愈乃以四君子加柴胡升麻以培脾土而安

療妊娠被驚惱胎向下不安小腹痛連腰下血

當歸

川芎 各捌分

阿膠 炙

而命人參

艾葉 各肆分

大棗 貳拾个

茯苓 拾分

右細切以水肆升煮取貳升温分三服

補遺治妊婦小腹痛胎動不安

川芎為細末酒調下

又方 川芎

當歸 各等

水煎温服

腰腹及背痛

大腎主腰足因勞傷損動其經虛則風冷乘之則腰

痛冷氣乘虛入腹則腹痛故令腰腹相引而痛其痛

不止多動胎氣婦人腎以繫胞妊娠而腰痛甚者則

胎墮也 薛前證若外邪所傷用獨活寄生湯腰痛

勞傷元氣用八珍杜仲砂仁膠艾脾腎不足以前藥

加白朮補骨脂氣血鬱滯用紫蘇飲加桔梗枳殼肝

火所動用小柴胡湯傷寒少加白朮枳殼山梔肝脾

鬱結用歸脾湯雜病健忘加柴胡枳殼 一妊婦頸項強

直腰背作痛此膀胱經風邪所致用拔萃羌活湯雜病

一送案

治前 腰腹背痛

女科四

百六

腰痛一劑而愈又用獨活寄生湯及八珍湯以祛邪固
本而痊石山治一婦懷妊八月嘗病腰痛不能轉
側大便燥結醫用人參等補劑痛益加用硝黃通利
之藥燥結雖行而痛如故汪診之脈稍洪近駛曰血
熱血滯也宜用四物加木香乳沒黃檗火麻仁煎服
四五貼痛稍減燥結潤復加發熱面赤或時惡寒仍
用前方去乳香沒藥加柴胡黃芩服二貼而寒熱除
又背心覺寒腰痛復作汪曰血已利矣可於前方加
人參壹錢服之而安江篁南治一婦妊娠三個月
因閃挫傷胎腰痛小腹疼下血內有熱用當歸白朮

黃芩上熟地川芎防風砂仁中艾葉上香附下用水
煎服血止小腹不痛去砂仁又用雞子黃叁個以酒
攪化煮熟食之即痊

通氣散 治妊娠腰痛狀不可忍此藥神效

破故紙不以瓦上炒香熟為末嚼胡桃肉壹个空

心溫酒下叁錢

五加皮散 治妊娠腰痛不可忍或連髀痛先服此散

杜仲肆兩炒

五加皮

阿膠炙

防風

金毛狗脊

川芎

白芍藥

細辛

萆薢各叁兩

杏仁捌拾枚去尖皮欬炒 一方有白茯苓無白芍

右咬咀以水九升煮取貳升去滓下膠作三服

五加皮丸 治證同前服前散後次服此丸

續斷炒 杜仲各貳兩半 芎藭

獨活各參兩 五加皮 狗脊

草薢 芍藥 訶子肉各肆兩

右為細末煉蜜和丸如梧子大空心酒下肆拾丸

日三名

療觸動胎以致腰痛背痛

杜仲 五加皮 當歸

芍藥 草薢各等分

右細剉以水柒升煮取壹升半分温三服

丹仁六嫂有胎腰痛

白朮肆錢 陳皮叁錢 黃蘗炒貳錢半

人參 條芩 川芎

地黃 當歸尾各半兩 甘草炙壹錢

右分四貼水酒煎服

療妊娠氣壅攻腰痛不可忍兼治腹痛

當歸叁兩 阿膠 甘草各貳兩

葱白壹升

右細剉以水柴升煮取參升去滓分温三服

大地黃丸 治產前後腰腹疼一切血疼兼治血氣

虛四肢不舉骨髓熱疼

熟地黃 貳兩 烏梅肉 當歸 各壹兩

右為細末煉蜜丸如彈子大每服壹丸空心白湯

嚼下

紫酒 治妊娠腰痛如折

大黑豆 貳合 炒令香熟以酒壹大盞煮取柴分去

豆空心頓服

本治胎動腰痛搶心或下血取蔥白不拘多少濃煮

汗血 療妊娠腰背痛反覆不得

汁飲之

鹿角 長六寸燒令赤酒中淬再燒再淬以角碎為度取所淬酒飲之

方鹿角為末酒服亦可

止血 卒腰痛不安或腰痛胎轉搶心下血不止用蓴蒲汁

酒壹升服之

妊娠卒胎動不安或但腰痛或胎轉搶心或下血不

正艾葉壹把如鷄子大以酒肆升煮取貳升分為

貳服良

小品 芎根湯 療損動胎腰腹痛去血胎動向下方

胎前 胎前

生乾地黄

芋根各貳兩

當歸

芍藥

阿膠

甘艸各壹兩

右細切以水陸升煮取貳升去滓內膠煎烱分温三服忌海蕪菜

心腹脹滿

大全夫妊娠心腹脹滿者由腹內素有寒氣致令停飲妊娠重因觸冷飲發動與氣相平故令心腹脹滿也薛前證若外感風寒內傷飲食用藿香正氣散雜病中風若食傷脾胃用六君子湯若陽氣壅滯用紫蘇飲胎上一妊婦飲食停滯心腹脹滿或用人參養胃湯加青皮山查枳殼其脹益甚其胎上攻惡心不食右關脉浮大按之則弦此脾土不足肝木所侮用六君子加柴胡升麻而愈後小腹痞悶用補中益氣湯升舉脾氣而瘥一妊婦腹脹小便不利吐逆諸

匿案

合前心腹脹滿

文并月

百一

醫雜進溫胃寬氣等藥服之反吐轉加脹滿湊心驗
 乏胎死已久服下死胎藥不能通因得鯉魚湯其論
 曰妊婦通身腫滿或心胸急脹名曰胎水遂去妊婦
 胸前看之胸肚不分急以鯉魚湯三五服大小便皆
 下惡水腫消脹去方得分娩死胎此證蓋因懷妊腹
 大不自知覺人人皆謂妊娠孕如此終不知胎水之
 患也

倉公下氣湯 治妊娠心腹脹滿兩脇妨悶不下飲
 食四肢無力

羌活 赤芍藥 甘草

檳榔 青皮 大腹皮
 陳皮 赤茯苓 半夏
 桑白皮 桂心 各半兩 紫蘇莖 貳兩
 吹咀每服參錢水壹盞薑伍片棗壹个煎柒分去
 滓服無時 局方分心氣飲大同小異加燈心煎
 訶黎勒散 療妊娠心腹脹滿氣衝胸膈煩悶四肢
 少力不思飲食

訶黎勒 赤茯苓 前胡 各壹兩
 陳皮 大腹皮 桑白皮 各柒錢半
 枳殼 川芎 白朮 各半兩

胎前心腹脹滿 女斗日

右為粗末每服肆錢水壹盞半薑叁片棗子壹个煎至七分去滓溫服無時

安胎和氣飲 治胎冷腹脹痛引兩脇小便頻數大便虛滑

訶子 麵裹煨 去核

白朮 各貳錢

陳皮 去白

高良薑 炒

木香 不見火

白芍藥

陳米 炒

甘艸 炙各壹錢

右作一服水貳盞生薑五片煎至壹鐘不拘時服忌食生冷之物

治妊娠心下滿氣急切痛

赤茯苓 陸分

桑白皮 伍分

前胡 肆分

郁李仁

檳榔 各叁分

右為細末以水壹升煮取一半去滓夜卧服

紫蘇飲 治妊娠心腹脹滿兩脇妨悶

枳殼湯 治婦人妊胎腹脹

枳殼 叁兩

黃芩 壹兩

為粗末每服五錢水壹盞半煎溫服如胎前腹滿身體沉重加白朮壹兩

仲景婦人懷妊六七月脉弦發熱其胎愈脹腹痛惡寒者少腹如痛所以然者子藏寒故也當以附子湯

合心腹脹滿 文詳四

百七

溫其藏

附子湯方

附子 貳枚炮去皮破捌片 白朮 肆兩

芍藥 各叁兩 人參 貳兩

茯苓

右五味以水捌升煮取叁升去滓溫服壹升日三服

婦人傷胎懷身腹滿不得小便從腰以上重如有水氣狀懷身七月太陰當養不養此心氣實當刺瀉勞宮及關元小便微利則愈

